

سیرت النبی ص

سیرت النبی ص ۱۳۳۰

اتبعون اهدکم سبیل الرشاد

دینی، علمی، ادبی، سیاسی هفته‌ای مجموعه اسلامیہ در

واللہ ینہدی من یشاء الی صراط مستقیم

صاحب و مدیر مسئول: ح. اشرف اربیب

جلد ۱ - ۸

۲۶ تموز ۱۳۲۸

پنجشنبه

۲۵ شعبان ۱۳۳۰

عدد ۲۳ - ۲۰۵

هیچ بر قوم و ملت کندی باشنه بر اقلیمور، هیچ بر ملت و قوه دو کوشمک و دیدیشمک فرصتی ویریلور .

ایشته شوائکی عامل مؤثرک، یعنی بر طرفدن اقوام اسلامییه مستولی اولان مرض اجتماعینک، دیگر طرفدن اجانبک مداخلات، حیل و تزویرات کونا کونی تأثیری ایله یالکز بش آلتی سنهت ظرفنده مراکش و ایران کبی ایکی بیوک حکومت اسلامییه نکه ده قانلی فاجعه لر ایچنده بتون دیگر اقوام و ملل اسلامییه نکه آرتیه سی صره عینی حفرة انقراضه سوزوکلندکارینی کوردک .

شمی یالکز عثمانلو حکومتی قالیوردی . بتون اسلامیتک و بلکه بتون بشریتک شمدی نظر لری شودولته طوغرو عطف ایدلدی . هر کس کندی کندندن صوریوردی : عجبا خلافت معظمه اسلامییه یی حاوی؛ اسلامیتک، کله طبیه نکه صوک ملجاء و مأوسی اولان شودولته کندیسی تداوی ایده بیله جک قوت ارادیه، متانت اخلاقیه، اجانبک حیل و تزویراتی بر طرف ایتمک ایچون کفایت ایده بیله جک قدر ذکا و ادراک بولنه جقمی؟ یا خود بوراسی ده قرار مقدره اتباعاً عینی حفرة انقراضه طوغرو سور و کله نه جکمی؟ اسلامیت ایچون بر حیات و ممت مسئله سی و اروپا سیاسیونی ایچون ده مهم بر ماهیت سیاسییه یی محتوی بولنان شونقظه یالکز بزی و اروپا سیاسیوتی دوشوندریوردی . مسائل اجتماعیه ایله توغل ایتمکده اولان بتون علمای اجتماعیه یی، سوسیولوغلری ده اشغال ایدیوردی . بونقظه مهم بر ماده علمییه اولارق علما آراسنده کمال حرارتله مذاکره و مباحثه ایدیوردی . بر زمانلر بزی بتون عالمه عالم اسلامک تشکیل ایتدیکی قاعده عمومیه دن مستثنا قاله جغز، تداویسنه کریشمش اولدیغمز مرضک بر طرف ایدلمه سنه موفق اولاجغمز امیدینی ویردک ! .

فقط ایواکه بوکون ایچنده یوارلاندیغمز وقایع و حادثات بونک بر آلدادیچی سراب اولدیغنی کوستریوردی که بتون عالم اسلامی محکوم انقراض ایش اولان بر مرض اجتماعی بزده ده عینی درجه ده و بلکه ده شدتلی بر صورتده اجرای تأثیر ایدیوردی .

بوکون وضعیت اوپله بر شکل و حال کسب ایتمشدرکه آرتق چقیله جق یول بیله غیر قابل تصور اولدی . اک کسکین، اک مقتدر بر ذکا بیله صابمش اولدیغمز چیقماز یولدن نه صورتله استخلاص کریبان ایده جکمز کسدره مز .

ایشک اک مدهش جهتی، مملکتی شو وضعیتیه سوق ایدنلرک اصحاب ذکا و ازباب درایت اولمه لرنده در . ایرانی . مراکش حسیض انقراضه سور و کله یین جهلای ناس؛ خلقک آلت طاقنک اوست طاقنه تحکمی؛ جهالتک، سفاهتک علم و قوته تفوقی اولدی . بزده ایسه عکس حال حکمفرمادر . بزده جهلا، اهالینک آلت طاقی ایشه بالفل قاریشمیور؛ بتون زمام امور افکار منوره دنیلن صنوف النده در . ایشه اک زیاده تشته و تذبذبه سبب اولانلرده بونلردر . بونلرک کندی آزلرنده اوپوشامه دقلری، یکدیگرینه لاف و درد آکلاده مدقلرپدر .

مملکت خارجاً ناموس و شرفنی محافظه و مدافعه ایچون قوی و جان آلیچی بردشمن ایله محاربه ایدیوردی؛ داخلأ نأرة عصیان و طغیان مملکتک مهم بر قسمنی یا مقدره در . اوردو مدهش بر تفرقه تمسکسنه معروض قالمشدر . اهالی فرقه فرقه اولارق یکدیگرینه قارشی ابراز خصومت و عداوت ایله مکدن چکنمیور . بوعلامت لر یالکز باشنه بیله بر دولتی، بر حکومتی محکوم انقراض ایتیه کفایت ایدر . حالبو که ایش بونکله ده قالمیور . اطرافیزی چنبر کبی قوشامش اولان و جائیزی آلمق ایچون دائماً مترصد، مترقب بولنان دشمنلر اوزریمزه آقینتیلر اجرا ایتیه باشلادیلر . عجبا کوزی یرنده، عقلی باشنده، قلبی ده حال طبیعیسنده بولنان انسانلر بتون شو علائمی کوره رک، ادراک ایدرک کندی وظیفه لری تعین ایده مز میدیلر؟ بر آن ایچون اولسون احتراصات و انفعالات لری اونوته مز میدیلر؟ فقط ای واه که بز تماماً عکسی بر صو . رتده حرکت ایدیوروز . شو علائم بزی یکدیگریمزه یا قلاشدره جق، قلبلر مزی محاکم بر صورتده ربط ایده جک یرده بالعکس بزی ده از زیاده آریوردی، باعث تفاق و شقاق اولیور .

بوکون بتون شو بریشانقلره، شو آثار انحلاله قارشی قویه جق و ملتی تشخیص ایده جک المزده ایکی قوت وادری . بریسی حکومت دیگری مبعوثان . حالبو که ایش اوپله بررنک کسب ایتدی که بونلر یکدیگری ایله یوزلشمک، آکلشمق دکل، کندی آزلرنده غیر قابل املا بر حفرة فلاکت آچدیلر .

مادامکه بزوطنک، شو جمله مزی بسله مکده اولان مهربان وطنک بستر احتضارنده بیله غوغالریمزی، احتراصاتمزی، انفعالاتمزی اونوته . جق قدر فداکاراق کوستره میوروز؛ بزم وطن پرورلکمز نرده قالیوردی؟ آه انصاف ایدیکز! یالکز عثمانلوق دکل، آنکله برابر تام بر عالم، بر بشریت، بر مدنیت او بو یوک محتشم و دیعه الله اولان اسلامیت ده بآیور! عجبا بو محتشم تابوتی کندی الیکزله خاک نسیانه کومدی یککز زمان اطرافده بر یاندن شاقیردایان خنده لری، استهزالی؛ دیگر یاندن کلن صدای این و حزنی، فغان نفرین و تلعینی ایشیدمیور میسکز؟ باری بو خنده لردن، بو استهزالی لردن اوتانالم، بو این و فغانلردن قورقالم!

حیات اقوام اسلامییه

مالزیای مسلمانلری

العلم رفیق محترم زده (مالزیای) ده ساکن احوان دینغز حقنده کور . لن معلوماتی بروجه آتی اقتباس ایدیوروز :
«مالیو» مالزیای ساکنلرینه ویرلمش برنامدر . مالزیای، (مالاقا، جوهور، سینگاپور) اطهرلردن عبارتدر . بو اطهر خلقنک اصللری جنس اصفردر . صوکر الی هندلیلرله اختلاط ایده رک (آنامومالی) نامی ویریلن بو کونکی جنس میدانه کلمشدر . حالا جنس اصفرک بمیز

خاصه لری کندیلرندہ کورولور . اوتہ دنبری مالیزیا حوالیسنده ساکن بولونورلر و بالیقجیلق ایله تعین ایدرلردی .

مملکتلرینه مسلمانلق ، هند ، چین یولیلہ و تاجرلر ایله عرب سیاحلری واسطہ سیلہ کیرمشدر . بوکون بونلر ، شجاعت و شہامت صاحبی برخلقدر . فقط قناعتکارلقلری ، کندیلرینه « ایش » دن یوز چورتمش ، « ایشجیلک » ایله آرملری آچمشدر ؛ علوم ، معارف و صنایع تلقیسی خصوصندہ مع التأسف قابلیتلی یوقدر : ایشدن یوزچویریورلر ، بالیقجیلق و « هند جوزی » غرسیلہ قناعت ایدیورلر ، بونلری بردفعہ دیکدیلمی آرتق نمانسی عنایت السہیہ براقیرلر . مملکتلرینک بوتون منابع رفاهنی هندیلرله چینیلرہ بر قهرق کندیلری ، کندی دیارلرندہ غریب قالمشدر .

لسانلری دنیانک الک قولانی و کوزل بر دیلی در ، عربجه یازیلیر ؛ جاوہدہ ، صومترادہ ، پورٹو و سیامدہ منتشردر .

مملکتلری اوچہ آریایر :

(۱) مسلمانلرک مستقل بولونقلری قسم کہ (جوہور) در .
(۲) انکلز لرک اشغال ایتدکلی قسم کہ مالاقا ، زورژتوون ، سن چیور .

(۳) اجنیلرک حلول ایتدیکی قسملر : برال ، سنجور ، کلابیان (انکلز لرک) ، بطانی (سیامک) .

جوہور ، کوچوک برامارتدر ، عسکرہ صاحب بردولت دکلدہ . مالیزیانک جزء جنوبیسنی تشکیل ایدر . دو قوز بیک میل مربعی ساحہ - سندہ در . نفوسی ایکی یوز بیکدر . بونک اوتوز بش بیکی مسلمان مالیزیا لیلر ، یوز الی بیکی چینیلر ، اون بش بیکی جاوالیلدر . جوہورک وسط طرفلری مسکون دکلدہ . چوللکدر ، (۱۹۰۰) سنہ میلادی سندن اول آدیم آتلمشدر . بورانک حاصلاتی : قارابیر ، جامیر Gambrier ، خزران ، هندجوزی ، آنااس در . آزمقدارده ہرشی دہ یتشیر . طورراغی ، آز منبت در . بعض آوروپالیلر ، قہوہ وچای یتشیرمک ایستہ مشلرسدہ الیرمہ مشدر . پای تخنی (جوہور بارو - بیکی جوہورد) در کہ بوغازک کنسارندہ اوافق برقبہ در ؛ یکرمی بیک نفوسی واردر . بونک یالکنز بش بیکی (ملایو) و ہندلی در . باقی ، چینلی در . قبہنک ۱۵۱۲ سنہ میلادی سنده قورولدوغنی ادعا ایدرلر . مؤکد اولان جہت شودر : (ملایو) نک الک مشهور اسراندن (تہمن زون) اون دو قوزنجی عصر اوائلندہ (لینجا) دہ (سوماترا قربندہ برجزیرہ در) . ظہور ایشم ؛ ۱۸۱۱ دہ بورادن جوہورہ کچہرک ۱۸۵۵ دہ انکلترہ حکومتی ، حاکمیتی تصدیق ایدنجہیہ قدر قالمش و صوکرایکی پایتختہ کیتمش .

(جوہور یارو) دہ ایوم راجا اولان ذاتک - راجا ابراہیم - تشیید ایتدیکی برقرار غازیوسی واردر . برچینلی شرکت دہ دیکر برنی تأسیس ایتمشدر . ایشتہ بونک ایچون بو پایتختہ (شرق اقصا) نک (مونٹہ قارلو) سی دیرلر . پایتخت ، دکر سز اولردن ترکب ایدر .

امارتک اجنبی بر بیکباشینک اداره سنندہ بولونان بر طاہور دن عبارت عسکری دہ بورادہ بولونور . بحر بہ سی (۴۰۰) و (۲۰۰) طون استیعامندہ بولونان ایکی کمی در . بونک بری سلطانہ خاصدر ، دیکری دہ بوستہ ایشلرندہ قولانیلیر .

شکل ادارہ سی مطلقیتدر . رأس ادارہ دہ راجا ابراہیم بولونویور . بوذات ، او قومش ، تربیہ لی ، فرنکلشمش (متفرنج) بر آدمدر . درت وزیر ی واردر ، یکرمی قدردہ قرہ شیخی . بومارتک خلقی مسلمانلنک یالکنز اسس و متعارف قواعدینی بیلیرلر . قرآن کریم دن عادہ نماز دہ او قونان بعض قبصہ سورہ لری حفظ ایدرلر ، خصوصی بر لہجہ ایله او قورلر .

انکلترہ نک مستقلاً ادارہ ایتدیکی قسم ، (ملکا) و (بولونبج) قبصہ لیلہ [بولو ، جزیرہ . بنج ، جوزة الطیب آجی دیمکدر .] (سنچیور) آطہ سیدر . انکلترہ بورالرہ ، ہندہ صاحب اولدقدن ، دکر حکمرانانی پور تکیز لیلرک ، هوللاندا لیلرک اللدن چقدقدن صوکر صوقولمشدر بوندن اول قوابہ لردن مرکب اوچ قرہ حالندہ ایدی . مالیزیا لیلردن و پور تکیز لیلردن بر قاج بیک خلق ساکن بولو - نویردی . یکانہ صنعتلری بایقجیلق ایدی . بوکون صوک ایکی اسم ؛ بویوک تجارت حرکتلرینہ مرکز اولان ایکی شہر حالی آلمشدر . بونلرک ہبسی بردن مرکز ادارہ سی (سنچیور) اولان (Straits Settlements) حکومتی میدانہ کتیریور .

بو حکومتک باشندہ لوندردہ مستعمرات نظارتندن تعیین اولنان بر (محافظ) بولونور . بوذاتہ امور ادارہ ، Legislative Council ، نامی ویریلن و بر قسیمی اہالی طرفندن انتخاب ، قسم دیکری حکومتجہ آمین اولونان اعضادن مرکب بولونان بر مجلس یار دیمچی اولور . محافظک (ملکا) و (بنج) دہ ایکی وکیلی واردر . ۱۹۰۷ دہ بو حکومتہ انکلز بورنہ ٹونک شہالیدہ الحاق اولونمشدر . بوندن اول بورالری British North Borneo Co نامی ویریلن بر شرکت استعمار ایدیوردی ، انکلترہیہ بر مبلغ مقابلندہ بورالری ترک ایتدی ، ہند شرکتی دہ بویلہ یامامشیدی !

بودیاردہ معیشت جدآ او جوزدر ، یریلرک یکانہ طعامی دیکر ہند مملکتلری کبی برنجدر . بو حوالیدہ اسیر تجارتی شایع اولمشدر . ایشتہ بودہشتلی بر حقیقتدر .

(ملایو) لرک « میسیونرلر » ہ ہیچ آلدیردقلری یوقدر . شیمدیہ قدر عیسویت ویاپت پرستلکہ قابلمش ہیچ بر (ملایو) کورولمہ مشدر . بونکچون میسیونرلر ، بورالردہ نشر دیندن واز کچہرک صاووشہ مشلردر .

